

## 3 Ano ang pagkakaiba sa kita ng magsasakang nagbenta ng tuyo sa magsasakang nagbenta ng sariwang palay?

Sa unang Explainer ay natutunan natin ang kaibahan ng tuyo at sariwang palay at ang kanilang kaugnayan sa presyo ng palay. Sa ikalawang Explainer ay binigyang-linaw natin kung papaanong naiiba ang presyo ng tuyo at sariwang palay. Dito sa ikatlo at pinakahuling isyu ng Explainer ukol sa usapin ng presyo ng palay, ang layunin natin ay ipaliwanag ang kaibahan ng kita ng magsasakang nagbenta ng tuyo kumpara sa nagbenta ng sariwang palay.

Mas malaki ang kita ng mga magsasaka kung magbebenta sila ng tuyong palay. Sa isang hektarya kung saan ang karaniwang ani ay nasa 4,000 kg na tuyong palay (4,589 kg katumbas kung sariwang palay) nasa PhP 16,790.00 ang maaring kitain ng magsasaka kung tuyo ang palay na kanyang ibebenta. Mas mataas ito sa PhP 9,933.00 kapag sariwa ang palay na ibinenta. Talo ang magsasakang nagbenta ng sariwang palay

ng magsasakang nagbenta ng tuyong palay ng mahigit PhP 6,000.00 bawat hektarya (Table 2).

Kahit pa napakalaking halaga ang nawawala sa magsasaka, nakagawian na nila ang pagbebenta ng sariwang palay. Ito ay totoo lalo na sa panahon ng tag-ulan. Ang pangunahing dahilan ay ang kakulangan ng pasilidad o kagamitan sa pagpapatuyo. Idagdag pa dito ang kawalan ng mga imbakan. Kailangan ding tandaan ang pangangailangan ng magsasaka ng agarang kita bilang pambayad sa kanilang mga utang.

Maraming kailangang isa-alang-alang sa usapin ng presyo ng palay. Layunin ng isyu na ito ng Explainer na bigyang-linaw ang mga samu't-saring isyu ukol sa usaping ito. Ang kaalamang ito ay makatulong sana sa pagpapalano at sa paggawa ng mga polisiya para makatulong sa mga magsasaka.

**Table 2.** Kaibahan sa kita mula sa pagbenta ng sariwa at tuyong palay.

Item	Sariwang Palay (25% MC)	Tuyong Palay (14% MC)
Ani (kg/ha)	4,589	4,000
Presyo (P/kg)	12.09	16.84
<b>Kabuuang Benta (PhP) (Gross Returns)</b>	55,453.00	67,360.00
<b>Kabuuang Gastos (PhP) (Total Costs)</b>	45,520.00	50,570.00
Production cost*	45,520.00	45,520.00
Postharvest at marketing costs	0.00	5,050.00
Pagpapatuyo	0	1,800.00
Paghakot	0	750.00
Pag-biyahe	0	1,800.00
Lalagyan o packaging	0	700.00
<b>Kita (PhP/ha) (Net Profit)</b>	<b>9,933.00</b>	<b>16,790.00</b>
<b>Kita (PhP/kg)</b>	<b>2.17</b>	<b>4.20</b>

\* Source: PSA, 2019 average rice production cost, @P11.38/kg